

PRO SCHLANS

# NEWSLETTER



## Actualitads

### Cumiau en suprastanza

Peter Monsch remetta siu uffeci – nus engraziein per siu engaschi!

Peter Monsch ei vegnius elegius alla davosa RG sco niev cassier dalla Pro Schlans. Ord motivs da sanadad eis el denton sedecidius da remetter quei uffeci per immediat. Markus Leo ed Erica surprendan ses pensums ad interim entochen alla proxima RG. Nus engraziein a Peter per siu engaschi – ed essan leds ch'el resta tuttina tier la Pro Schlans (mira sut)!

### Neofitas – il niev project

*Neofitas invasivas sederasan pli e pli fetg – tgi che fa buca frunt, crescha en. Nuslein vegnir activs.*

Rodund 730 sorts da neofitas ein enconuschentas en Svizzera. Rodund 10% da quellas ein invasivas e caschunan donns. In agir activ encunter neofitas invasivas ei indispensabel, vul'ins impedir lur derasaziun cuntuada. La situaziun a Schlans ei vegnida mèndra ils davos onns e nuslein perquei vegnir activs. Peter Monsch ei sedeclarau promts da surprender e menar quei project en collaboraziun cun la Pro Schlans e la vischnauna da Trun. Alla proxima RG vegnis vus informai detagliadamein e nus decidin nies engaschi.

## Contact

Pro Schlans  
Markus Leo Kaiser  
Via Tujals 2  
7168 Schlans

markus.leo.kaiser@gmx.ch  
www.schlans.ch/ro/proschlans

## Activitads

Sentupada d'atun, ils 14 d'octobre 2023  
RG ils 9 da mars 2024  
Las invitaziuns suondan separadamein!

## Digl aperitiv alla Zytglogge

### Mesadad egl onn d'uniu

Tgei han Berna, ina crusch, in baun ed in openair communabel? Tuts ein puncts sin la gliesta da lavur dalla suprastanza dalla Pro Schlans. Ed enqualin san ins gia strihar giu!

"Dil vitg. pil vitg – cultivar communablamein!" cun quei motto ei la Pro Schlans lantschada el niev onn d'uniu. E dapi ei gia dabiau vegniu effectuau.

Sco occurrenza speciala pils commembers ha giu liug gl'avrel in viadi ella capitala federala. Suenter ina viseta guidada tras il Zytglogge ei suandau in inscunter cun il pli ault Svizzer, Martin Candinas, en la Casa federala. La guida personala **Personal e simpatic – il (maletg) e gl'aperitiv simpatic ein viadi a Berna** fruntai sin bia plascher.

Sin l'Alp Schlans ein vegniu erregiu 1998 ina crusch da lenn speciala: entagliada cun las nodas-casa dallas famiglias indigenas, porta ella in toc historia en ella. Deplorablamein ei la crusch vegnida derschida d'ina lavina il 2018. Cun agid dalla Pro Schlans ei la crusch puspei vegnida reconstruida e duei, el senn da nies convischin permett ed ugau d'alp da plirs onns Nicolaus Pfister, "semantener biars onns ed aschia dar perdetga da temps targai." Ils bauns da seser dalla Pro Schlans ein vegni

examinai. Ei vegn ad esser necessari da templazzar singuls bauns igl onn che vegn ed il credit persuenter vegn dumandaus alla proxima radunanza generala. Il medem vala per il begl sut l'anteriura casa da scola. En cunvegnentscha cun la vischnauna havein nus anflau in liug da deposi per la documentaziun voluminusa dall'uniu, quei en l'anteriura casa da scola, aschia liug.

Buca il davos ha la Pro Schlans susteniu finanzialmain entgins projects: la restauraziun dalla fatschada dil museum Cuort Ligia Grischa a Trun, la vernissascha e suenter l'exposizion dallas lavurs da finiziu dalla partizium d'architectura alla scola professiunala da Sogn Gagl davart il tema "emprender dil vitg muntagnard Schlans", sco era il mini Openair Schlans ch'ei vegnius organisaus cun success per la 2. gada. Ed en moda activa va ei era vinavon, pertgei gl'onn d'uniu ei aunc buca a fin!

